

## Ота-онага тик қарамаслик



14:41 / 28.10.2024 1363

دِيْلَوْلَارْنَبْهَلَلَادِيْبُعْنَعْ  
ءَاطَاعْتْعَمَسْلَاقْيِفْأَصَوْلَا  
كَدِيْعَفْرَتْلَاهِيْفُلُوقَيْ  
عَلَيْهِمْلَهِ.

Убайдуллоҳ ибн Валид Вассофиийдан ривоят қилинади:

**«Атонинг ўша оят ҳақида «Икковларига қўл кўтарма», деганини эшилдим».**

**Шарҳ:** Бу ривоятда Аллоҳ таолонинг **«Икковларига меҳрибонлик ила хокисорлик қанотингни пастлат»**, деган ояти ҳақида сўз бормоқда.

Бизда «қўл кўтариш» деган бирикма «уриш» маъносида ишлатилади. Аммо бу ривоятда мазкур салбий маъно эмас, гаплашаётганда ишора учун қўлни кўтармаслик кўзда тутилган. Шунинг учун ҳам имом Жалолиддин

Суютийнинг «Дуррул Мансур» номли тафсирида ушбу ривоятга «қачон икковлари билан гаплашсанг» деган қўшимча зиёда қилинган экан.

Қаранг, ота-онанинг ҳурмати қанчалар улуғ! Улар билан гаплашаётган фарзанд ишора, таъкид ёки бошқа мақсад билан ҳам қўлини кўтармаслиги керак. Бундан шунга ўхшаш беодоблик ёки ота-онага нисбатан қўполликка ўхшаб кўринадиган бошқа хатти-ҳаракатлар ҳам дуруст эмаслиги келиб чиқади.

نَمُدِلْوَرْبَمْ لَاقَةَ وَرْعَ نَعْ  
فَرْطَلَا: هَلَلْأُدْبَعَ لَاقَ دَشْ  
نَمْحَرَلَا: دَبَعَ لَاقَ وَيَلِ  
يَلِإِرْصَبْلَا

Урвадан ривоят қилинади:

**«Ўзини туққан инсонга ўқрайган яхшилик қилган бўлмайди.**

**Абдуллоҳ: «Кўз қири билан», деди. Абдурраҳмон: «Назари билан», деди».**

**Шарҳ:** Ким ота-онасига ўқрайиб қараган бўлса, у одамни «ота-онасига яхшилик қиладиган одам», деб айтиб бўлмайди.

Демак, фарзанд ота-онасига қарашда ҳам эҳтиёт бўлиши керак экан. Эҳтиётсизлик қилиб, нотўғри назар солиб қўймасин, беодоблик билан қараб қўймасин. Бу, ота-онаси олдида фарзанднинг юзида, қўзида ҳеч қандай норозилик аломатлари сезилмасин ёки гаплари ёқмай турган бўлса ҳам, буни билдириб қўймасин, деган маънони англатади.

Ҳаётда ҳар хил ҳолатлар бўлади. Кўпинча фарзандлар ҳаётий тажрибалари камлиги туфайли ота-оналарининг баъзи хатти-ҳаракатларини, гап-сўзларини, қаттиқроқ айтилган насиҳатларини тўғри қабул қила олмай хуноб бўладилар. Баъзан ишларидаги, турли одамлар билан мулоқотдаги ноҳақликлардан кўнгли сиқилган анчагина иймонли

фарзандларга ҳам ота-оналарининг сабр ва тақвога ундовчи панд-насиҳатлари малол келиб қолиши мумкин. Ана шундай пайтларда бу фарзандларга ота-оналари олдида кўзларини ердан узмаган ҳолатда туриш тавсия этилади. Чунки юқоридаги ҳадис ҳам гап тўғридан-тўғри ўқрайиб қараш тўғрисида кетаётгани йўқ. Кўз қири билан ўқрайиш ҳақида кетмоқда, назар билан ўқрайиш ҳақида кетмоқда. Бу икки ҳолатга рухсат бўлмагандан кейин бошқаларини ҳар ким ўзи тушуниб олаверсин.

اَنَّ ثَدْحَ حَلَاقَ لِمُؤْمِلِ اَنَّعَ  
رَدَانْ سُلَالَ اَذْهَبُ نَأْيِفُسْ  
وَحَنَّ.

Муаммилдан ривоят қилинади:

**«Бизга Суфён ушбу санад ила шунга ўхшаши айтиб берди».**

**Шарҳ:** Бу ривоят ҳам худди юқоридаги ҳадисга ўхшар экан. Демак, бу бир марта айтилган гап эмас. Ушбу маъно бошқа ровийлар тарафидан ҳам зикр қилинган ва таъкидланган. Бу мусулмонларнинг ичida кенг тарқалган маънолардан эканини билдириш учун имом Марвазий раҳматуллоҳи алайҳи яна бир бор ривоят қилган.

**«Яхшилик ва силаи раҳм» китоби 1-жуз.**

Ушбу китоб Ўзбекистон Республикаси Дин ишлари бўйича қўмитанинг 2022 йил 5 октябрдаги 03-07/7613-рақамли холосаси асосида тайёрланган.